



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Archicancellariis Sacri Romani Imperii Ac Cancellariis Imperialis Avlae

**Mallinckrodt, Bernhard von
Monasteri[i] Westphaliae, 1640**

Adolphvs Nassouius.

urn:nbn:de:hbz:466:1-11835

Capitularium votis, an. 1284, in Archi-Episcopum Salisburgensem, in ordine 39; ac quinque annis præfuit. SS. Vigili & Eberardi, Prædecessorum suorum, corpora transfudit; ac ab Honorio IV, quem ait Hundius Germanos magno honore profecutum esse, palio donatus est. Originem suam repetebat ex Baronum de Hohenneck stirpe in Sueviâ, teste Hundio in *Catalogo Archi-Episc. Salisburg.*

Henricus à
Clingen-
berg Episco-
pus Con-
stantiensis.

Tertius & ultimus, de quo hætenus mihi constet, Rudolphi Cancellarius fuit Henricus à Clingenbergh, Episcopus Constantiensis, in ordine quinquagesimus septimus; electus in schismate, an. 1294, contra Fridericum Comitem à Zollerem, Præpositum Augustanum; qui tandem quarto post electionem anno, huic, uti potentiori, & Pontificiâ gratiâ subnixo, sponte cessit. Laudat Henricum Bruchius, tanquam *apprimè doctum, ac summâ prudentiâ præditum*. Legum Doctor fuit, cumque lectione historiarum impensè delectaretur, scripsit in gratiam Rudolphi Imp. in cuius flagranti gratiâ perseveravit, libellum de *Habsburgensibus Comitibus*. In vno reprehenditur, quòd Nigromanticæ artis aliquantò studiosior fuerit.

Godfridus
Episcopus
Patauiensis.

Occurrit sub Rudolpho Godfridus etiam Protonotarius, de quo apud Hund. in *Metrop. tom. 2, pag. 183*, in literis Rudolphi de an. 1279. Fuit hic natione Westphalus, & Imperatoris commendatione, anno 1283, à Canonicis Patauiensibus, unanimibus suffragijs receptus est in 53 eius loci Episcopum; ut fidei suæ, ait Hundius, qui Secretarium vocat, *ac laborum pro regno & Rege toleratorum haberet iustam remunerationem*. Præfuit illi biennio piè & fideliter. *Doctrinâ & prudentiâ clarum fuisse*, non pœnitendum huius viri Elogium est. fuerat antea Solienfis Præpositus, ut constat ex tom. 1 *Metrop. Salisb. pag. 320*; ubi Magister Godfridus Protonotarius nominatur.

ADOLPHVS Nassouius,

Ebernandus.

Adolphus, qui post sex annorum, & mensium aliquot imperium, acie victus, simul & vitâ & dignitate abiit, Ebernandi operâ usus est: qui cum prius Vice-Cancellarium egisset, deinceps consuetum Cancellarij nomen assumpsit. Ante hunc enim (præter vnum Lubbertum Abbatem Egmondanum, de quo in *Wilhelmo*) non reperio quenquam, qui Vice-Cancellarium se scripserit, licet solenniter in subscriptionibus faterentur omnes, se Archi-Cancellariorum, in recognitionum officio, VICES obire. Videantur tamen etiam, quæ suprâ de Gebhardo Constantiensi referuntur. Hic confirmationem Adolphinam Spirensium Priuilegiorum ita subscripsit:
Datum

Datum apud Spiram, per manus Magistri Ebernandi Proto-
notarij & Vice-Cancellarij curiæ nostræ. *Leheman. in Spir. Chron.*
lib. 5, cap. 20. An. seq. 1294, Diploma Adolphi Bertollsgadenfibus datum recog-
noscens, sic subnotat: Datum Burnis, per manum Ebernandi re-
galis aulæ Cancellarij. *Metrop. Salisb. tom. 2, pag. 183.*

ALBERTVS I Imp.

Eberardus de Lapide vir nobilis, in confirmatione Priuilegiorum *Eberardus*
Spirensibus ab Alberto Austriaco, an. 1299 datâ, reliquorum testium nu- *de Lapide.*
mero insertus est, cum elogio Cancellariatûs Imperialis aulæ. *Chron. Spir.*
lib. 7, cap. 2.

Ioannes Thuricensis apud Heluetios Præpositus, circa annum *Ioannes*
1303, apud Hundium se præsentat; apud quem Diploma Canonicis regulari- *Episcopus*
bus in Berchtolsgaden concessum hac subscriptione finitur: Datum in *Aistetenfis*
Viennâ per manum Gebevini Imperialis aulæ Notarij, ge- *& Argen-*
rentis vices honorabilis viri Magistri Ioannis, Præpositi Ec- *tinensis.*
clesiæ Thuricensis, eiusdem aulæ Cancellarij. Ortum habuit *Gebeuini*
è nobilium familia à Dierpheim in Heluetijs; sed extra thorum legitimum *Notari-*
progenitus. Commendatione Alberti, qui prius præfecturam (ita Bruschi-
us, fortè Præposituram intelligit) Thuricensem contulerat, ab Aichstetensi
Collegio Antistes lectus; ac euoluto biennij curriculo, Clementis V liberali-
tate, Argentinenfis Ecclesiæ Pastor factus est, ubi quatuor schismatici de Epi-
scopio digladiabantur, omnes illustri loco nati. Fuisse scribitur excellens
in Iuris Canonici scientiâ, & præpotens Regis Cancellarius.
Præfuit Argentinenfi Cathedræ maximâ laude, annis 21. obiit anno æræ
Christi, 1328.

HENRICVS septimus.

Henrici septimi Cancellarium aliquem necdum noui; legimus tamen
apud Bruschi-um in *Spirensium Episcoporum Catal.* Sibothonem à *Sibotho*
Lichtenberg, eius loci Præfulem, intimum Confiliarium illius *Episcopus*
Principis fuisse. quod de Cancellario interpretari, nulla sit absurditas. Ac tan- *Spirensis,*
tò minor ambigendi locus relinquitur, quòd dicat idem Auctor, in Regum

M 1

choro